

KUBAYINI KUQAKATHEKILE KOBANA ABOMMA BAZIBANDAKANYE EKWAKHIWENI KOMTHETHO?

Abomma bangaphezu kwesiquntu sabantu beSewula Afrika begodu kungakho amezwi wabo kufuze afakwe nakuthathwa iinqunto nalokha nakwakhiwa imithetho.

Ukfakwa kwabomma nakuthathwa iinqunto kusikeloko selungelo lomuntu. Abomma kufuze bazibandakanye nakwakhiwa umthetho ngombana ukusebenza komthetho nemigomo karhulumende kuthinta amaphilo wabo wangamalanga woke. Okuqakathee khulu kukobana, irhubhululo iveze bona abomma nabazibandakanyako ekwenzeni iinqunto, kubangela bona kwande itjhejo nokwaba iinkhonakalisi ezithuthukisa ikhwalithi yamaphilo wawo woke umuntu. Ukwanda kokuzibandakanya kwabomma ekwakhiwene komthetho kungenza bona kuthuthukiswe ukufinyeleleka kokunikelwa kweensiza eziqakathee khulu ezifana nezindlu, zefundo nezhelalakuhle.

BANGAZIBANDAKANYA BUNJANI ABOMMA EKWAKHIWENI KOMTHETHO?

UmThethosisekelo weSewula Afrika uthi kufuze umphakathi ufinyelele begodu uzibandakanye ePalamende kune nekambisweni yayo. Zinengi iindlala lokhu okungenziwa ngakho. Abomma bangazibandakanya ekwakhiwene komthetho ngokuthi bavowudele ihlangano ebabona bona izakujamela amazizo wabo neenlilo zabo ePalamende. Begodu bangazibandakanya ngokukhwezeleta nokusebenza iihlangano ebazithandako begodu bebakethwe eenjamiselelweni zazo. Abomma baphakamele eenkhundleni eziphezulu ngalendela.

Umphakathi unelungelo lokukhambela imihlangano yamakomiti begodu uzibandakanye emihlanganweni yomPhakathi. Nangabe indaba iqakathee khulu emphakathini, iKomiti yesiBethamthetho seNarha namka yomKhandlu weNarha oNgamele iimFunda unaqua ukubamba imihlangano yomphakathi namka ubawe ukulethwa kweemphakamiso. Umphakathi ungazisa iKomiti ePhathelenkonofana ekhethekileko ngamazizo wawo namka ngendaba ekukhulunyiswana ngayo. Amalunga womphakathi angathintana neLunga lePalamende ukuzwakalisa amazizo wabo malungana nendinyana yomthetho.

NGIYIPHI INDINYANA YOMTHETHOSISEKELO EKGHONAKALISA BONA ABOMMA BAZIBANDAKANYE?

UmThethosisekelo weSewula Afrika unikela umtlamo wokuthuthukisa ukulingana ngokobulili, begodu nokuzibandakanya kwabomma ekwakhiwene komthetho. UmThethosisekelo uquketie iindinyana ezithuthukisa ukulingana ngokobulili. AmaLungelo woBuntu aqinisekisa ukulingana kokupaththa kwabantu boke beSewula Afrika. Akhandela ukubandululwa ngokombala, nangokobulilinofana ngesitho somzimba. AmaLungelo woBuntu agandelela bona amagadango kufuze athathwe ukuthuthukisa ipumelelo yokulingana ngijo yoke imikhakha yomphakathi.

UmThethosisekelo unikela indinyana emazikweni asekela intandoyenengi, kune nokuzibandakanya kwabomma. Lokhu kufaka hlangana, iKomitjhana yokulingana ngokobulili begodu neKomitjhana yamaLungelo waBantu yeSewula Afrika. Ukonzelela endinyaneni ekumThethosisekelo, iSewula Afrika izibophelele ngokulingana ngokobulili ngokuthi ilungise iimvumelwano zeentjhatabjhaha ezifana neHlangano ePhikisana nokubandululwa kwaboMma (CEDAW) begodu neHlangano yeseNdialelo sokwEnza (Platform Action), eyathonywa yiHlangano yomHlangano yaboMma yeBeijing. iSewula Afrika iyengcenyne yamanje wamahlelo we-Afika wokwenza begodu nokuthuthukisa abomma, afana neweeNarha

eingeSewula yeAfrika eziThuthukako (SADC) nemithetho yekambiso yemisebenzi yobulili netuthuko.

NGIZIPHI IINJAMISELEO EZIQAKATHEKILEKO ABOMMA ABANGAZIBANDAKANYA KIZO EKWAKHIWENI KOMTHETHO?

Indlala zokuthoma neziqakathee khulu abomma abangazibandakanya ngazo ePalamende kungesikhathi samakhetho. Indlala abantu abavowuda ngayo emakhethweni kujamiselela ukwakheka kwezindlu zombili ekuviNdlu yesiBethamthetho seNarha nomKhandlu weNarha oNgamele iimFunda. Amakhetio wenarha anikela abantu abangaphezu kweminyaka ema-18 ilungelo lokobana bakhethi ihlangano ebayithandako. Abomma babunengi obuqakathekileko babavowudi begodu bangasebenzia ilungelo labo lokuvowuda bona babenomthelela ekubunjweni kwePalamende nokobana ihlangano yenza bona kubo litjheto kokuthoma ukuthuthuka kwabomma.

IPalamende yesine isungule amaKomiti alandelako asebenza bunqopha ngeendaba ezitjhidelene nabomma:

- iKomiti ePhathelene neendaba zaboMma, uLutjha, abaNtwana begodu naBantu abaKhukhazeKileko
- iKomiti eKhethekileko yaboMma, uLutjha, abaNtwana begodu naBantu abaKhukhazeKileko

UMnyango omutjha waboMma, wabaNtwana, naBantu abaKhukhazeKileko wenzelwe ukubuthelela imisebenzi karhulumende ukuthuthukisa nokuvikela abantu amaphilo wabo asengozini emphakathini.

NGIZIPHI IINTJHIJILo EZIQALENE NABOMMA EKUZIBANDAKANYENI EKWAKHIWENI KOMTHETHO?

Ngaphandle kobana abomma bayimbalo enengi eSewula Afrika, abomma basese yidlanzana naziza ekuthathweni kweenqunto. Zinengi iinthjilo ezikhanelabomma nafuze badlale indima ebonakalako, begodu ekulukhulu mtlhago. Umlhago mzabalazo oqalene nabomma abanengi beSewula Afrika, khulukhulu bemplasini.

Ukufinyelela iinsiza eziqakathekileko ezifana nefundo, amanzi nezhelalakuhle kubangelwe kungalingani kobulili, kombala, netjhebiswano leengaba. Ukuthi abomma bazibandakanye ngokupheleleko ekwakhiwene komthetho, ukufinyelela kwabomma eensizeni eziqakathekileko kufuze kuthuthukiswe. Abomma abatlhagako abafinyeleli ngokwaneleko eenhlanganweni ezakha imithetho.

Inengi labomma litlhayela ngokuthuthukisa komnotho. Abomma ngokwesiko basiqhemaa esithagako eSewula Afrika begodu bayidlanzana abasebenza namka abasebenzi.

Ngapehu kwalokho, Ingogwana yeNtumbantonga kune neNtumbantonga (HIV/AIDS) ithinta imbalo enengi yabomma, khulukhulu abomma abasesebancani abaseminyakeni yabo yokukhula.

Ukuhlukumezwabomma kusese ziintjhijilo ezikulu eziqalene neSewula Afrika.

Intandoyenengi yethu esakhalako ithuthukise abomma ekufinyeleleni amandla wezepolotiki begodu nekuthathweni kweenqunto. iSewula Afrika begodu itlame umthetho khulukhulu ukuqlana nokulungiswa kokulingana ngokobulili.

Isitjhijilo kukwenza bona amalungelo woke akghone ukufinyelelwaa ngibo boke abomma.

BAJAMELEKE BUNJANI NJENGANGE ABOMMA EPALAMENDE?

Ukujameleka kwaboMma kusiBethamthetho seNarha kukhule kwafika kuma 45%. ISewula Afrika isesigabeneni sesithathu ephasini zombelele ngokuya ngokujameleka kwabomma ePalamende.

NGIYIPHI INDIMA AMADODA ANGAYIDLALA?

Amadoda anendima eqakatheke khulu angayidlala ekuphumeleliseni ukulingana ngokobilili emphakathini weSewula Afrika. Ngokuya ngokuya ubunengi bamadoda azibandakanya ekulwisaneni nokuthoriswa kwabomma nabantwana. Amadoda kufuze afundise amanye amadoda bona atjhugulule indlela aziphatha ngayo begodu ahloniphe abomma. Amadoda nabomma banendima elinganako neqakathekileko ebayidlalako ukutjhugulula ubudlelwano kobilili emphakathini. Awukho umphakathi otjhaphulukileko bekube kula abomma namadoda batjhaphulukile begodu balingana, bekubekunje amadoda nabomma banomsebenzi olinganako ekufuze bawenze.

Okhunye ongakuFunda:

'Molokomme, Representation of Women and Men in Politics and Decision-making Positions in SADC, 2001

IINDLELA EZIQAKATHEKILEKO ZOKUTHINTANA MALUNGANA NELWAZI:

Portfolio Committee on Women, Youth,
Children and Persons with Disabilities
Tel: (021) 403 3840

Select Committee on Women, Children
and Persons with Disabilities
Tel: (021) 403 3768

Ministry for Women, Children and Persons with Disabilities
Tel: (012) 300 5575 / 5516 / (021) 464 2203

Produced by the Public Education Office • Parliamentary Communication Services
INSPIRED BY PEOPLE

www.parliament.gov.za
P.O. Box 15, Cape Town, 8000
Telephone: (021) 403 3341 • Facsimile: (021) 403 3303

